

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-3518-13/20

Datum: 29.01.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 100. stav (3) i (4), te člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem o imenovanju Komisije za sukcesivne nabavke za potrebe Uprave policije, broj: 02/5-1-30-1-3751 od 22.09.2020. godine i Rješenjem broj: 02/5-1-30-1-3751 od 30.12.2020. godine, u postupku javne nabavke auto guma, putem otvorenog postupka, postupajući po uloženoj žalbi na odluku o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine ponuđača Euro dam-jas d.o.o. Lukavac, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

o djelomičnom usvajanju žalbe i izboru najpovoljnijeg ponuđača i dodjeli okvirnog sporazuma i stavljanju van snage Odluke o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine

I

Usvaja se žalba na Odluku o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine, kao djelomično osnovana. U ponovljenom postupku ocjene ponuda, odlučeno je da su ponude ponuđača Unitrade d.o.o. Ljubuški i Guma M d.o.o. Mostar neprihvatljive, te se okvirni sporazum za javnu nabavku auto guma za potrebe Uprave policije Ministarstva unutrašnjih poslova Kantona Sarajevo, dodjeljuje ponuđaču:

- Euro dam-jas d.o.o. Lukavac za ponuđenu cijenu od 116.486,92 KM bez PDV-a.

II

Stavlja se van snage Odluka o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine.

III

Ponuđač Euro dam-jas d.o.o. Lukavac dužan je da u roku od 5 (pet) dana od dana prijema ove odluke dostavi dokumente navedene u tačkama 13. i 14. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

IV

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Euro dam-jas d.o.o. Lukavac po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Na osnovu Odluke broj: 02-11-4-3518/20 od 07.09.2020. godine i Obavještenja o nabavci broj: 16475-1-1-73-3-69/20 od 14.09.2020. godine (Ispravka obavještenja o nabavci broj: 16475-1-1-73-8-86/20), proveden je otvoreni postupak javne nabavke auto guma za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3518/20 od 04.12.2020. godine, za aktivno učešće u postupku dostavljene su ponude ponuđača Unitrade d.o.o. Ljubuški, Euro – dam jas d.o.o. Lukavac, Guma M d.o.o. Mostar i Autoelektra d.o.o. Sarajevo.

Na otvaranju ponuda Komisija je konstatovala da je na protol Ugovornog organa dostavljena, putem „Express one“ – brze pošte, ponuda ponuđača Unitrade d.o.o. Ljubuški, u zatvorenoj koverti koja je 1/3 oštećena u gornjem lijevom uglu. Prilikom pregleda koverta ponude, Komisija je utvrdila da integritet ponude nije doveden u pitanje, jer koverta nije otvorena, pečat ponuđača na koverti i sadržaj iz koverta nisu oštećeni, te se sadržaju iz koverta nije moglo pristupiti. Ova činjenica je konstatovana u Zapisniku sa otvaranja ponuda i u Zapisniku o pregledu i ocjeni ponuda.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3518-7/20 od 05.01.2020. godine. Tenderskom dokumentacijom predviđeno je da će se za predmetnu nabavku provesti e-aukcija. E-aukcija je provedena 07.01.2021. godine sa početkom u 12.30 sati.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača, i to:

- Unitrade d.o.o. Ljubuški sa ukupnom cijenom ponude u iznosu od 108.080,80 KM bez PDV-a.

Shodno rezultatima pregleda i ocjene ponuda i rang listi prihvatljivih ponuda nakon provedene e-aukcije donesena je Odluka o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine kojom je okvirni sporazum dodijeljen ponuđaču Unitrade d.o.o. Ljubuški.

Po prijemu navedene odluke ponuđač Euro dam-jas d.o.o. Lukavac je dana 18.01.2021. godine zatražio uvid u svaku od pristiglih ponuda, što mu je omogućeno dana 20.01.2021. godine u 12.00 sati. Nakon izvršenog uvida ponuđač Euro dam-jas d.o.o. Lukavac je dana 22.01.2021. godine uložio žalbu na navednu odluku, koja je kod ugovornog organa zaprimljena dana 25.01.2021. godine.

Po zaprimanju žalbe ugovorni organ je, postupajući u skladu sa članom 100. Zakona o javnim nabavkama BiH, ocijenjenio da je žalba blagovremena, dopuštena i izjavljena od strane ovlaštene osobe.

Detaljno razmotrivši navode žalbe komisija za sukcesivne javne nabavke je shodno članu 100. stav (3) Zakona o javnim nabavkama, utvrdila da je žalba djelomično osnovana.

Osnovani su sljedeće navodi:

- Žalbeni navod vezano za ponudu ponuđača Unitrade d.o.o. Ljubuški, a koji se odnosi na stavku 20. Obrasca za cijenu ponude – Aneks III, predmet nabavke je zimsko guma dimenzije 235/45 R17 za koju je tražena tehnička karakteristika „Kočenje na klizavom (min.) B“. Ponuđač Unitrade d.o.o. Ljubuški je u svojoj ponudi na stranici 57. za pomenutu stavku ponudio gumu čija je oznaka kočenja na klizavom C niža od prihvatljivog (A ili B).

- Žalbeni navod vezano za ponudu ponuđača Guma M d.o.o. Mostar, a koji se odnosi na stavku 21. Obrasca za cijenu ponude – Aneks III, predmet nabavke je zimska guma dimenzije 175/80 R16 za koju je tražena tehnička karakteristika „Vanjska buka u dB (max 72 dB)“. Ponuđač Guma M d.o.o. Mostar je u svojoj ponudi na stranici 109. Za pomenutu stavku ponudio gumu sa tehničkom karakteristikom vanjske buke od 73 dB, što je veće od maksimalno dozvoljene 72 dB. Ponovnim uvidom u ponude navedenih ponuđača, utvrđeno je da su navedeni žalbeni navodi osnovani.

Neosnovani su sljedeći navodi:

- Žalbeni navod vezano za ponudu ponuđača Unitrade d.o.o. Ljubuški, a koji se odnosi na tehničke karakteristike gume koju ovaj ponuđač nudi na str. 70. svoje ponude, navodeći da ukoliko ukucate link na koji se ponuđač pozvao, nećete dobiti informacije o tehničkim specifikacijama ponuđene gume, naročito ne na službenom jeziku u upotrebi u BiH. Ugovorni organ je u tenderskoj dokumentaciji tražio da se „dokazi pod b) i c) - ako se radi o dokumentima koji su na nekom drugom jeziku, isti moraju biti dostavljeni sa prevodom na jedan od službenih jezika u BiH“. Ovi dokazi se odnose na „EU specifikacije za svaku auto gumu koju nudi, kojom dokazuje da ponuđene auto gume zadovoljavaju minimalno tehničke specifikacije tražene ovom tenderskom dokumentacijom“ i „Katalog sa navedenim modelom gume za stavke 35. – 40.“ tačke 14. tenderske dokumentacije (tehnička i profesionalna sposobnost u postupku nabavke roba). Ponuđač nije u svojoj ponudi naveo datum i vrijeme pristupanja navedenom linku, što Ugovorni organ nije ni tražio tenderskom dokumentacijom. Svaka web stranica (URL link) se može editovati od strane ovlaštenog administratora, pa je nemogućnost pristupa navedenom linku moguća iz navedenog razloga. Komisija je utvrdila da guma sa ponuđenim karakteristikama postoji.

- Žalbeni navod da ponuđači Unitrade d.o.o. Ljubuški i Guma M d.o.o. Mostar nisu potpisali Obrazac za cijenu ponude – Aneks III na mjestima predviđenim za potpis ponuđača, Komisija smatra manjim odstupanjem koji nisu od uticaja na sam tok postupka, te ni na koji način ne utiču na poštivanje i pravilnu primjenu pozitivnih pravnih propisa iz ove oblasti. U prilog ovome navodimo i Rješenje URŽ-a broj: JN-03-07-1-3061-8/19 od 26.12.2019. godine.

Kako je za predmetnu nabavku o izboru najpovoljnijeg ponuđača i dodjeli okvirnog sporazuma broj: 02-11-4-3518-9/20 od 11.01.2021. godine okvirni sporazum dodijeljen ponuđaču Unitrade d.o.o. Ljubuški zbog pogrešno utvrđenog činjeničnog stanja, Ugovorni organ na naprijed navedeno zaključuje, nakon ponovnog sagledavanja svih činjenica od strane Komisije, da je ponuda ponuđača Unitrade d.o.o. Ljubuški neprihvatljiva, kao i ponuda ponuđača Guma M d.o.o. Mostar.

Nakon što su razmotreni navodi žalbe ponuđača Euro dam-jas d.o.o. Lukavac, proveden postupak ponovnog pregleda i ocjene ponuda po žalbi i utvrđeno činjenično stanje, odlučeno je kao u dispozitivu ovog rješenja, a u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14).

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove Odluke, a u skladu sa članom 99. i 100. stav 4. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a